

# UNIVERZITET U TRAVNIKU

## UNIVERSITY OF TRAVNIK



Aleja konzula 5  
72270 Travnik  
Bosna i Hercegovina  
+38730541062  
info@unt.ba  
www.unt.ba

Univerzitet u Travniku vodi vas u  
bolju budućnost!

*Non scholae, sed vitae discimus! Ne učimo za školu, već za život!*

## O UNIVERZITETU

Historijski, turistički i vezirski grad Travnik, sjedište Srednjobosanskog kantona, među rijetkim kantonalnim centrima, sve do nedavno nije bio univerzitetski grad, iako je po svojim referensama to odavno trebao biti. To, a i mnogi drugi razlozi su rukovodili grupu naučnih radnika, privrednika i entuzijasta da, uz podršku resornog ministarstva Srednjobosanskog kantona, na osnovu zakonskih propisa, civilizacijskih dostignuća i prakse savremenog svijeta, osnuju prvi privatni Univerzitet u Travniku sa pet fakulteta-organizacionih jedinica:

- Fakultet za menadžment i poslovnu ekonomiju u Travniku
- Edukacijski fakultet u Travniku
- Pravni fakultet u Kiseljaku
- Grafički fakultet u Kiseljaku
- Zdravstveni fakultet u Travniku

Pored obrazovnog procesa, fakulteti su uspostavili i određenu saradnju sa privredom i društvenim djelatnostima u cilju podsticanja razvoja, a kada je riječ o obrazovanju deficitarnih kadrova, Univerzitet u Travniku ponosan je na veoma veliki odaziv zainteresovanih budućih i trenutnih studenata. Obrazovni sadržaji i studijski programi koji se izučavaju na fakultetima su savremeni, a izvedba od samog osnivanja, ispunjava sve zahtjeve bolonjskog procesa.



Obzirom da Univerzitet u Travniku ima konstantnu tendenciju razvoja i usavršavanja, studentima su omogućeni najsavremeniji uslovi školovanja u novim, funkcionalno opremljenim objektima u Travniku i Kiseljaku, učionice sa modernim učilima, amfiteatri, sale sa internet konekcijom, biblioteka, čitaonica, studentske kantine i restorani, prostorije za rekreaciju i dr.

Univerzitet ima potpisane protokole o saradnji sa brojnim domaćim i svjetskim univerzitetima, a u toku je i zaključivanje novih, čime se prednost daje razvijanju i uspostavljanju međunarodne saradnje.

Obrazovanje kadrova koji će po završetku studija ostvariti prestižnu radnu i životnu karijeru zahtijeva visoke standarde, kojima se ovaj univerzitet i rukovodi. U prvom redu je to visokostručni nastavni kadar, koji se sastoji od oko 50 profesora u stalnom radnom odnosu i 100 vanjskih saradnika, stručnjaka iz različitih oblasti.

U septembru 2010. godine Univerzitet u Travniku je okončao proces integracije, čime je postao jedna od rijetkih visokoškolskih ustanova koja je uspjela odgovoriti zakonskim odredbama predviđenim Okvirnim zakonom o visokom obrazovanju u BiH.

Trenutno su aktivnosti Univerziteta usmjerene ka sprovođenju procesa unutrašnje samoevaluacije i osiguranja kvaliteta.



Na fakultetima ovog Univerziteta posebna pažnja pridaje se potrebama studenata i mentorskom sistemu rada, koji omogućava dobru saradnju na relaciji profesor - saradnik - student, a studentska i druge službe fakulteta i Univerziteta su vrlo ažurne prilikom rješavanja zahtjeva upućenih od strane studenata.

Ono što je najvažnije, kod funkcionisanja i rada jednog mladog Univerziteta kao što je naš, je kvalitet, autonomija i predanost radu.

**Stoga, budući studenti, Univerzitet u Travniku vam daje svoju punu podršku i ukoliko se odlučite za studij na jednom od naših fakulteta, sigurni smo da ćemo ispuniti sva vaša očekivanja.**

## FAKULTET ZA MENADŽMENT I POSLOVNU EKONOMIJU

Fakultet za menadžment i poslovnu ekonomiju osnovan je 2006. godine kao Fakultet za menadžment i turizam. Koncept studija je utemeljen na Bolonjskoj deklaraciji, po European Credit Transfer System (ECTS).

Misija Fakulteta za menadžment i poslovnu ekonomiju je stvaranje respektabilne obrazovne institucije, u kojoj će se uz učenje za "što viši procenat usvojenosti znanja, vještina i kompetencija", a time i za ulazak u što višu klasu i uz odgovornost svih sudionika nastavnog procesa, obrazovati kvalitetan stručni kadar u oblasti menadžmenta i poslovne ekonomije.

### Organizacija studija

#### • *Dodiplomski studij*

##### Smjerovi

- Opći menadžment (3+2)
- Poslovna ekonomija (3+2, 4+1)
- Menadžment u bankarstvu i osiguranju (3+2)
- Poslovna informatika (3+2)
- Turizam i ugostiteljstvo (3+2)

Nakon završenog dodiplomskog studija, student stiče zvanje bachelor menadžmenta i poslovne ekonomije.

#### • *Postdiplomski studij*

Postdiplomski /magistarski studij traje 1 (jednu) ili 2 (dvije) godine, nakon čega se stiče zvanje magistra menadžmenta i poslovne ekonomije sa naznakom uže naučne oblasti: opći menadžment, finansijski menadžment, poslovna ekonomija.

Mogućnost upisa imaju kandidati sa diplomom stečenom na ekonomskom ili nekim drugim fakultetima društvenih nauka (uz polaganje odgovarajućeg dopunskog ispita), a koji su tokom studiranja stekli najmanje 240, odnosno 180 ECTS (prema modelu 4+1 ili 3+2).

#### • *Doktorski studij*

Po završetku postdiplomskog studija student ima mogućnost upisa dokorskog studija, koji traje 3 (tri) godine.



Način studiranja: redovno, vanredno, učenjem na daljinu, ili kombiniranjem ova tri načina studiranja zavisno od opredijeljenosti studenata.



### Organizacija nastave

Nastava je interaktivnog karaktera. Fakultet raspolaže savremeno opremljenim prostorom i učionicama koje zadovoljavaju standarde za izvođenje nastave, informatičkom salom koja je na usluzi studentima, čitaonicom i amfiteatrom. Biblioteka koja se nalazi u sastavu Fakulteta opremljena je velikim brojem savremenih naslova iz stručne oblasti i općeg nivoa obrazovanja. Jedan od zadataka Fakulteta je da omogući studentima praksu, te zapošljavanje u toku i nakon studiranja. Predavanja izvode nastavnici sa akademskim stepenom doktora nauka, u zvanjima docenta, vanrednog i redovnog profesora. Na Fakultetu se povremeno angažuju stručnjaci iz privrede koji prenose praktična znanja i iskustva i na taj način omogućavaju studentima da se nakon završetka fakulteta osposobe za primjenu stečenog znanja u praksi.

### Osobnosti fakulteta

Od osnivanja pa do danas, Fakultet je organizovao tri međunarodna simpozija čiji je cilj bio afirmacija novog pristupa menadžmenta u turizmu. Radovi su objavljeni u časopisu "Univerzitetska hronika". Fakultet je izdavač univerzitetskih udžbenika iz oblasti menadžmenta i organizacije, što je veliki doprinos razvoju visokog obrazovanja u Bosni i Hercegovini. Fakultet potiče i osigurava unutrašnju i vanjsku mobilnost studenata i nastavnika, racionalno korištenje ljudskih i materijalnih resursa, razvoj multidisciplinarnih istraživanja, inoviranje nastavnih planova i programa, te intenziviranje saradnje sa privredom i ukupnim okruženjem.

Ono što izdvaja studije na Fakultetu za menadžment i poslovnu ekonomiju u odnosu na sve druge fakultete iz iste oblasti, upravo je sveobuhvatnost znanja koja se na njemu stiču.

## PRAVNI FAKULTET

Pravni fakultet sa sjedištem u Kiseljaku, ima koncept studija koji je utemeljen na Bolonjskoj deklaraciji, po European Credit Transfer System (ECTS).

Misija Fakulteta je dostići izvrsnost i prepoznatljivost u istraživačkom i nastavnom djelovanju s ciljem: unapređivanja obrazovanja budućih pravika, razvitka pravne nauke i pravne prakse, te izgradnje društva temeljenog na principima vladavine prava.

### Organizacija studija

#### • *Dodiplomski studij*

Smjerovi

- Opće pravo (4+1), nakon čega student stiče zvanje bachelor prava;
- Poslovno pravo (3+2), nakon čega student stiče zvanje bachelor poslovnog prava.

#### • *Postdiplomski studij*

Postdiplomski studij traje jednu (1) ili dvije (2) godine, nakon čega se stiče zvanje magistar pravnih nauka sa naznakom uže naučne oblasti.

Uže naučne oblasti: javnopravna, građanskopravna, krivičnopravna, poslovnopravna, međunarodnopravna, historijskopravna, ekonomskopravna, teorijskopravna i komunitarnopravna grupa.

Mogućnost upisa imaju kandidati sa diplomom stečenom na pravnom ili nekim drugim fakultetima društvenih nauka (uz polaganje odgovarajućeg dopunskog ispita), a koji su tokom studiranja stekli najmanje 240, odnosno 180 ECTS (prema modelu 4+1 ili 3+2).

#### • *Doktorski studij*

Po završetku postdiplomskog studija student ima mogućnost upisa dokorskog studija, koji traje 3 godine.



Način studiranja: redovno, vanredno, učenjem na daljinu, ili kombiniranjem ova tri načina studiranja zavisno od opredijeljenosti studenata.

### Organizacija nastave

Nastava je interaktivnog karaktera i izvodi se po najsavremenijim metodama. Fakultet okuplja ugledne domaće i inostrane profesore, a obezbijedena je i maksimalna saradnja sa domaćim i inostranim univerzitetima.

Biblioteka Pravnog fakulteta Kiseljak ima preko 5.000 izvora literature. Studentima je omogućen pristup i najvećim elektronskim servisima, kao i pristup dvjema bazama podataka sa preko 100.000 izvora.

Predavanja izvode nastavnici sa akademskim stepenom doktora nauka, u zvanjima redovnih i vanrednih profesora i docenata. To su profesori koji se bave pravom i u praksi. Mnogi od njih su tokom svog radnog iskustva bili vrhovne sudije, sudije ustavnog suda, cijenjeni advokati itd.



### Osobnosti fakulteta

Fakultet omogućava studentima praksu, te zapošljavanje u toku i nakon studiranja. Ono što izdvaja studije na ovom Fakultetu u odnosu na sve druge pravne fakultete jeste upravo sveobuhvatnost znanja koje se na njemu stiče. Studenti imaju i praktični dio nastave. Organizuju se posjete državnim organima, prisustva na suđenjima, posjete kazneno-popravnim zavodima i sl. Nakon završenog školovanja na Pravnom fakultetu Kiseljak studenti su potpuno osposobljeni da primjenjuju stečena znanja u svom daljem radu, jer se od samog osnivanja Fakultet vodi upravo idejom da studentima pruži znanje i pravničke vještine primjenjive u praksi odmah po završetku studija.

**Pravni fakultet u Kiseljaku jamči kvalitetno obrazovanje kao i na vrhunskim fakultetima u razvijenim evropskim zemljama.**

## EDUKACIJSKI FAKULTET

Edukacijski fakultet je osnovan 2006. godine. Koncept studija je utemeljen na Bolonjskoj deklaraciji po European Credit Transfer System (ECTS). Interaktivna nastava, opremljenost najsavremenijom tehnikom za izvođenje nastave, kvalitetan prostor i ambijent prilagođen potrebama studija, stalna dostupnost profesora i asistenata, ažurnost rada studentske službe, samo su neke od prednosti Edukacijskoga fakulteta.

### Organizacija studija

#### • *Dodiplomski studij:*

##### *Smjerovi*

- Opća kineziologija (sport i tjelesni odgoj) (4+1)
- Razredna nastava i BHS jezik i književnost (4+1)
- Matematika i informatika (4+1)
- Sportski menadžment (3+2)
- Specijalne namjene (vojska, policija i zaštitari) (3+2)

Nakon završenog dodiplomskog studija student stiče zvanje bachlelora studijskog programa na kojem je diplomirao.

#### • *Postdiplomski studij:*

Postdiplomski studij traje 1 (jednu) ili 2 (dvije) godine, zavisno od prethodno završenog studija. Nakon završenog postdiplomskog studija se stiče zvanje magistra. Edukacijski menadžment, Opća kineziologija (sport i tjelesni odgoj), Specijalne namjene, Sport-trenerska i Sportski menadžment

#### • *Doktorski studij:*

Nakon završenog postdiplomskog studija, student ima mogućnost upisa dokorskog studija koji traje 3 (tri) godine.



Načini studiranja: redovni i vanredni studij, učenje na daljinu ili kombiniranjem ova tri načina.

### Organizacija nastave

Fakultet okuplja ugledne domaće i međunarodne profesore i stručnjake iz oblasti humanističkih, društvenih i prirodno-matematičkih nauka. Opređenje fakulteta je i saradnja sa domaćim i međunarodnim univerzitetima. Osnovna polazišta nastavnog plana i programa svih studijskih grupa proizilaze iz zahtjeva za inoviranjem po uzoru na srodne nastavne programe u Bosni i Hercegovini, susjedstvu i Evropi. Fakultet s ponosom ističe veliki broj potpisanih sporazuma o saradnji, kako sa univerzitetima u inostranstvu, tako i sa univerzitetima i fakultetima u našoj zemlji. Među potpisanim sporazumima su i: Sporazum o saradnji sa Sveučilištem u Zagrebu, Univerzitetom Ćirilo i Metodije u Skoplju i Fakultetom sporta i tjelesnog odgoja Univerziteta u Sarajevu.



### Osobnosti fakulteta

Edukacijski fakultet je danas mjesto ne samo na kome se odvija nastava i razvija nauka već i mjesto okupljanja studenata, mjesto na kome se promoviraju nove knjige i održavaju stručni i naučni skupovi, mjesto na kome se održavaju tribine i sportska takmičenja, mjesto na kome se polemische i razvijaju nove ideje. Fakultet je opremljen najsavremenijom opremom za izvođenje nastave i osigurava interaktivnu nastavu sa profesorima, vrhunskim stručnjacima u svojim oblastima. Studenti su na prvom mjestu i njihovim zahtjevima odgovara se u najkraćem roku, a zahvaljujući maksimalnoj ažurnosti studentske i ostalih službi fakulteta.

Odabir studija jedna je od ključnih odluka kojom ćete odrediti Vaš profesionalni, ali i životni put.

Pridružite nam se i studirajte u najkvalitetnijim uslovima.



## GRAFIČKI FAKULTET

Grafički fakultet, sa sjedištem u Kiseljaku, prvi je i jedini Grafički fakultet u Bosni i Hercegovini. Koncept studija je utemeljen na Bolonjskoj deklaraciji, po European Credit Transfer System (ECTS).

Misija Grafičkog fakulteta ogleda se u doprinosu društvu razvojem i unapređivanjem znanja kroz obrazovanje studenata, te provođenju naučnih i tehnoloških istraživanja u polju grafičkih tehnologija što ima za cilj stvaranje kompetentnih stručnjaka koji će etablirati Grafički fakultet kao poželjno mjesto studiranja u regionalnim, nacionalnim i europskim okvirima, što će doprinijeti ugledu Univerziteta u Travniku, šire i uže lokalne zajednice i cjelokupne akademske zajednice u Bosni i Hercegovini.

### Organizacija studija

#### • *Dodiplomski studij*

Smjerovi

- Grafički dizajn (3+2)
- Grafičko inženjerstvo (3+2)
- Inženjerstvo multimedije (3+2)

Student stiče zvanje bachelor/inženjer grafičkih tehnologija odabranog smjera sa osvojenih 180 ECTS kredita.



#### • *Postdiplomski studij*

Postdiplomski/magistarski studij, u trajanju od četiri semestra, vodi do zvanja magistra grafičkih tehnologija odabrane uže naučne oblasti sa osvojenih 120 ECTS kredita. Uže naučne oblasti: grafički dizajn, grafičko inženjerstvo i inženjerstvo multimedije.

Mogućnost upisa imaju kandidati sa diplomom stečenom na grafičkom ili nekim drugim fakultetima (uz polaganje odgovarajućeg dopunskog ispita), a koji su tokom studiranja stekli najmanje 180 ECTS kredita.

#### • *Doktorski studij*

Po završetku postdiplomskog studija student ima mogućnost upisa dokorskog studija, koji traje 3 (tri) godine.

Način studiranja: redovno, vanredno, učenjem na daljinu, ili kombiniranjem ova tri načina studiranja zavisno od opredijeljenosti studenata.



### Organizacija nastave

Nastava je interaktivnog karaktera i izvodi se po najsavremenijim metodama. Fakultet okuplja ugledne domaće i inostrane profesore, a obezbijedena je i maksimalna saradnja sa domaćim i inostranim univerzitetima. Kompletan program nastavnih aktivnosti iz stručnih kolegija realiziraju profesori iz Hrvatske, Srbije i Slovenije. Fakultet je za potrebe vježbi i sadržaja iz praktične nastave sklopio ugovore sa brojnim firmama, grafičkim kućama i ustanovama koje se bave grafičkim dizajnom, inženjerstvom i multimedijom.

### Osobnosti fakulteta

Fakultet studentima obezbjeđuje realizaciju nastave u savremeno opremljenim kabinetima, studentski on-line servis, on-line biblioteku, studentsku organizaciju, mobilnost i učešće na seminarima, simpozijima i edukacijama, mogućnost angažmana na fakultetu shodno postignutim rezultatima rada, mogućnost zapošljavanja u toku studija i nakon završetka, mogućnost samostalnog rada i angažovanja kroz ličnu kreativnost. Fakultet je razvio poseban plan za stvaranje vlastitog stručnog kadra u oblasti grafičke tehnologije u koji su već uključeni najuspješniji pojedinci iz svake generacije studenata.

Kolektiv Grafičkog fakulteta garantuje kvalitetno i vrhunsko obrazovanje, brigu i posvećenost studentima na njihovom putu do akademske diplome.

## ZDRAVSTVENI FAKULTET

Zdravstveni Fakultet je počeo sa radom 2009. godine. Koncept studija je utemeljen na Bolonjskoj deklaraciji, po European Credit Transfer System (ECTS).

Misija Zdravstvenog Fakulteta usmjerena je na edukaciju budućih medicinskih radnika, nastavnika i znanstvenika, zatim na poticanje znanstvenih istraživanja, kao i provođenje istraživanja, sa težnjom ka izvrsnosti u obrazovanju i istraživanju iz područja farmacije, radiologije, sestinstva i zdravstva općenito, a temelji se na savremenim postupcima podučavanja, humanosti i strogim etičkim načelima.

### Organizacija studija

#### • *Dodiplomski studij*

Smjerovi:

- Farmaceutski smjer (3+2)
- Radiološki smjer (3+2)
- Opće medicinsko sestinstvo (3+2)

Student stiče zvanje bachelor farmacije, bachelor radiologije, i bachelor medicinskog sestinstva sa osvojenih 180 ECTS kredita.

#### • *Postdiplomski/magistarski/master studij*

Smjer:

Farmaceutski

Postdiplomski/magistarski studij, u trajanju od četiri semestra, vodi do zvanja magistra farmacije odabrane uže naučne oblasti sa osvojenih 120 ECTS kredita.

*Uže naučne oblasti:* apotekar, analitičar i tehnolog. Mogućnost upisa imaju kandidati sa diplomom stečenom na farmaceutskom ili zdravstvenom fakultetu, ili na nekim drugim fakultetima (uz polaganje odgovarajućeg dopunskog ispita), a koji su tokom studiranja stekli najmanje 180 ECTS kredita (3+2).



#### • *Doktorski studij*

Po završetku posdiplomskog studija student ima mogućnost upisa doktorskog studija.

Način studiranja: redovno, vanredno, a uskoro i učenjem na daljinu, ili kombiniranjem ova tri načina studiranja zavisno od opredjeljenosti studenata.

### Organizacija nastave

Nastava Zdravstvenog Fakulteta je interaktivnog karaktera i izvode je nastavnici sa akademskim stepenom doktora nauka, u zvanjima redovnih i vanrednih profesora i docenata. Predavanja i vježbe se održavaju u moderno opremljenoj zgradi fakulteta. Obezbijeđena je i praktična nastava, kao i stručna praksa u bolnicama i apotekama kako bi naši diplomirani stručnjaci bili potpuno obučeni za rad i primjenu stečenih znanja u svojoj profesiji odmah po završetku studija.



### Osobnosti fakulteta

Fakultet posjeduje savremene učionice, informatički kabinet, laboratorije opremljene za moderno (up-to-date) učenje i istraživanje, modele ljudskog tijela i lutke za reanimaciju, koje se koriste u svakodnevnoj nastavi i vježbama. Nakon završetka studija Zdravstvenog Fakulteta u Travniku, najboljem studentu nudimo zaposlenje na Zdravstvenom Fakultetu, a drugim diplomiranim stručnjacima našeg fakulteta nastojimo pomoći, koliko je to moguće, da ostvare svoju želju i nađu svoja radna mjesta za koja su stručno osposobljeni.

Kvalitetna edukacija na jednom od vodećih farmaceutsko zdravstvenih fakulteta garant je uspjeha i sistemski potiče buduće i sadašnje medicinske radnike na cjeloživotno obrazovanje i na stvaranje i primjenu medicine utemeljene na dokazima.



Na Univerzitetu u Travniku održano prvo Savjetovanje o reformi visokog obrazovanja i implementaciji Bolonjskog procesa

U organizaciji Univerziteta u Travniku 27.01.2011. godine održano je Savjetovanje o reformi visokog obrazovanja i implementaciji Bolonjskog procesa. Savjetovanju su pored Rektora, prorektora, dekana i profesora Univerziteta u Travniku prisustvovali predstavnici Vlade SBK, Ministarstva obrazovanja, nauke, kulture i sporta SBK, Općine Travnik, predstavnici Agencije za razvoj visokog obrazovanja i osiguranje kvaliteta i predstavnici studenata.

Cilj Savjetovanja bio je da se nastavnom i drugom osoblju, a naročito studentima, predstave aktivnosti na kojima Univerzitet u Travniku kontinuirano radi, a to su prije svega: implementacija bolonjskog procesa, osiguranje kvaliteta nastave, kadra, prostora za izvođenje nastave.



Posebna pažnja poklonjena je prezentaciji naučno-istraživačkog rada na Univerzitetu, te je istaknuto kako se Univerzitetski časopisi "Sport science", međunarodni znanstveni časopis iz područja kineziologije" i "Univerzitetska hronika" već nalaze u značajnim svjetskim bazama.

U izlaganjima je naročito istaknut značaj formiranih tijela za osiguranje kvaliteta visokog obrazovanja na Univerzitetu u Travniku što je prisutne predstavnike nadležnih institucija dovelo do zaključka da se Univerzitet, kada je riječ o ispunjavanju kriterija za predstojeću eksternu ocjenu kvaliteta i akreditaciju, nalazi na zavidnom nivou.

Imajući u vidu uspješnost organizacije i realizacije ovog Savjetovanja, kojoj su u velikoj mjeri doprinijeli studenti svojim aktivnim učešćem, Univerzitet u Travniku je u plan godišnjih aktivnosti uvrstio brojne slične skupove s ciljem afirmacije Univerziteta i predstavljanja javnosti dostignutih rezultata kada je u pitanju osiguranje kvaliteta.

## ORGANIZACIONE JEDINICE



**FAKULTET ZA MENADŽMENT I POSLOVNU EKONOMIJU**  
Aleja Konzula 5  
72270 Travnik  
Bosna i Hercegovina  
Telefon: +38730541061  
E-mail:  
Web: www.fmt.ba



**PRAVNI FAKULTET**  
Josipa Bana Jelačića bb  
71250 Kiseljak  
Bosna i Hercegovina  
Telefon: +38730877328  
E-mail: studentska@pfk.ba  
Web: www.pfk.ba



**EDUKACIJSKI FAKULTET**  
Aleja konzula 5  
72270 Travnik  
Bosna i Hercegovina  
Telefon: +38730540876  
E-mail: studentska.sluzba@eft.ba  
Web: www.eft.ba



Aleja konzula 5  
72270 Travnik  
Bosna i Hercegovina  
+38730541062  
info@unt.ba  
www.unt.ba



**GRAFIČKI FAKULTET**  
Kraljice mira b.b.  
71250 Kiseljak  
Bosna i Hercegovina  
Telefon: +38730870364  
E-mail: info@graficki.ba  
Web: www.graficki.ba



**ZDRAVSTVENI FAKULTET**  
Slavka Gavrančića 17c  
72270 Travnik  
Bosna i Hercegovina  
Telefon: +387030515770  
E-mail: info@zft.ba  
Web: www.zft.ba

Odabir studija jedna je od ključnih odluka kojom ćete odrediti vaš profesionalni, ali i životni put, stoga, dođite na Univerzitet u Travniku i informirajte se.